

ÅRSMELDING for LYE FORSAMLINGSSTYRE 2014



Helsing og innleiing

Lye Forsamlingsstyre vil takka alle våre medarbeidarar for eit godt år i 2014. Saman med alle frivillige og tilsette på Lye forsamlingshus arbeider Lye forsamlingsstyre mot den visjonen vi har sett: «Vi ønskjer at alle på Lye må bli betre kjende med Jesus Kristus.» Styret helsar alle med desse orda frå Bibelen: «Og eg er viss på at han som tok til med si gode gjerning i dykk, skal fullføra henne – heilt til Jesu Kristi dag.» (Fil. 1,6)

Forsamlingsstyret er styre for alt fellesarbeid på Lye Forsamlingshus. Fellesarbeidet omfattar barnarbeid, ungdomsarbeid og vaksenarbeid, og er noko alle eigarane har del i. Mange legg ned ein stor innsats i dette arbeidet, og styret vil rette ei stor takk til alle som har deltatt i dei ulike arbeidsgreinene og tenestegruppene dette året!

Samansetninga av styret:

Forsamlingsstyret fram til årsmøtet 2014:

Arne Heggheim	leiar
Eivind Stene	nestleiar
Olaug Bjelland	styremedlem
Astrid Tjemsland	sekretær
Knut Jarle Hjørnevik	styremedlem

Forsamlingsstyret frå årsmøtet 2014:

Arne Heggheim	leiar
Eivind Stene	nestleiar
Olaug Bjelland	styremedlem
Knut Jarle Hjørnevik	styremedlem

I tillegg møter forsamlingsprest Gunnar Frøyland og daglig leiar Sigurd Idland (som er sekretær) i forsamlingsstyret. Ungdomsarbeidaren (Mariann Espeland skuleåret 2013/14 og Helge Ask skuleåret 2014/15) har òg møterett, og møter når det er saker som gjeld ungdomsarbeidet.

Forsamlingsstyret si oppgåve er å tene og leie forsamlinga. Overordna mål for arbeidet er å legge til rette for at visjonen skal bli nådd.

Forsamlingsstyret har i 2014 hatt 11 ordinære styremøte og behandla 70 saker. I tillegg har det vore eitt fellesmøte mellom forsamlingsstyret, husstyret og Time sokneråd.

Tilsette

Forsamlingsstyret lønner stillingar gjennom givarteneste. I 2014 har dette vore:

- 1.1.14-31.7.14:
 - Ungdomsarbeidar Mariann Espeland 50 %
 - Administrativ medarbeidar Sigurd Idland 60 %
- 1.8.14-31.12.14:
 - Ungdomsarbeidar Helge Ask 50 %
 - Daglig leiar/forsamlingsutviklar Sigurd Idland 100 %

Gudstenester og søndagsskule

Gudstenester annankvar søndag er hovudsamlinga for fellesarbeidet på Forsamlingshuset, for forkynning og fellesskap. Vår sokneprest Gunnar Frøyland har vore prest på dei fleste gudstenestene. Gudstenesta er ein viktig møteplass og målet er at gudstenestene skal fungere som ein inngangsport til fellesskapet på Forsamlingshuset.

Gudstenestene er varierte med bruk av mange sansar, via bilete og film på projektor, variert musikk, kreativ gruppe, drama og mykje meir. Det er umulig å nemne alle som står på, men vi vil få rette ein hjartelig takk til kvar enkelt som har vore med gjennom dei enkelte tenestegruppene!

Søndagsskulen gir barna eit fellesskap med både trusopplæring og aktivitetar. Søndagsskulen er òg ei viktig arena for leiaropplæring for unge leiarar. Meir om søndagsskulen i eiga årsmelding.

Gudstenestestatistikk for 2010-2014*

* statistikken er justert og gjeld forordna gudstenester på Lye Forsamlingshus, for lettare å kunne samanlikna frå år til år (forsamlingsweekend og «Me syng jula inn» er då ikkje medrekna).

	Gudst	Personar	Snitt	Nattverd-gudst	Nattverd-gjester	Snitt	Dåps-gudst	Dåps-barn	Kol-lektar	Beløp	Snitt
2010	21	2888	138	10	874	87					
2011	21	2980	142	10	824	82	4	4			
2012	21	2689	128	11	1087	99	0	0	18	kr 74 187	kr 4 122
2013	21	2653	126	12	1096	91	6	7	19	kr 86 200	kr 4 537
2014	20	2759	138	11	1177	107	1	2	18	kr 91 841	kr 5 102

Statistikken frå år til år er vanskeleg å tyda. Talet på dåp, konfirmantar og trusopplæringstiltak spelar inn. Likevel er det verdt å merke seg at ein det siste året har hatt ein liten framgang i oppmøtet mot nedgang dei to åra før, og ein kan registrere at fleire nye har begynt å koma på gudstenestene. Dette er kjekt og gledelig, og viser kanskje at ei positiv utvikling er på veg.

Tenestegrupper

Forsamlingsstyret gler seg over alle som har deltatt i tenestegrupper og fått tent i samsvar med nådegåvene sine. Forsamlingsstyret gler seg og over at fleire av tenestegruppene har ein leiar som har ansvar for at tenestegruppa både har eit åndeleg og eit praktisk fellesskap.

Det er starta opp eit nytt tilbod for barn i år: Lye Blå Kors speidarar. Speidargruppa starta opp på hausten, og har allereie 36 gutar i alderen 2.-4 klasse, samt 8 leiarar!

Tenestegrupper som er i funksjon, med leiar:

Tenestegrupper (alfabetisk)	Leiar
Barnegospel (5 år – 3. klasse)	Ragnhild Hansen
Barnekoret Agape 4.-7.klasse	Magnhild Sørli
Bokskap/mediatek	Torill Sandsmark
Bønnegruppe 2	Annbjørge Bjelland
Bønneteneste (bønnegruppe 1 + bønn før gudst.)	Vigdis Frøyland
Diakoniteneste	Annbjørge Bjelland
Dørteneste under gudstenesta (inkl bollebaker- og kjøkkenteneste-lister)	Ingjerd Finnbakk
Fredagskvelden (ungdomsarbeid)	Helge Ask
Husfellesskapsgrupper	Hildegunn Undheim
Itte skuletid (ungdomsarbeid)	Anne Grete Apeland

JuniorKro (5.- 7. kl.)	Sigurd Idland
Kreativ gruppe	Brit Ege Årsland
Lovsongsband for ungdom	Helge Ask
Lydgruppe	Asbjørn Aarsland (leiar). Ole Hauge (tekn. ansv.)
Lye Blå Kors speidarar	Trygve Netland
Lykkeliten Open Barnehage	Marianne Hauge
Mannsgruppa Moskus	Stein Magne Paulsen, Tor Magne Fjetland
Nattverdansvarlig gudstenester	Arne Heggheim
Praktisk tenestegruppe for huset	Trond Heskestad
Praktisk tenestegruppe for reinhald	Solveig Heggheim
Programansvarlig gudstenester	Gunnar Frøyland
Projektorgruppe	Eirik-Asle Pettersen
Songtenesta	Ragnhild Hanssen
Strikkekafé	Lillian Hjørnevik
Søndagsskulen	Sigurd Idland
Ungdomsbibelgrupper	Helge Ask
Vaskeliste (vask av fellesareal)	Jone Ueland
Økonomigruppe	Eivind Stene
Web-redaksjonen	Dag Henrik Fosse

Andre arrangement i 2014

- **Kjøkkeninnsviingsfest:** Laurdag 25. januar var 120 fesstemte vaksne klare for innviingsfest for det nye kjøkkenet på forsamlingshuset. Menyen bestod av velsmakande tapas spesiallaga på det nye kjøkkenet, og marsipankaker. Kvartetten BØLL (Sveinung og Aase Bøe, Åse Norma og Øvyvind Lunden), som tidligare budde på Lye, deltok med song og vitnesbyrd, medan søstrene Muslandsvåg (Olaug E. F. Nedrebø og Liv Kvæstad) stod for underhaldninga.
- **Familiekurs:** Familiekurset «Er du glad i meg?» ble gjennomført 11. og 15. mars med til saman 44 fornøgde deltakarar. Kurset bestod av ein foreldrekveld og eit familieverkstad, og kurshaldarar var Mia og Ivar Holta frå Ålgård. Fokus var på korleis familiemedlem kan uttrykke og vise at ein er glad i kvarandre, og dette vart veldig godt mottatt blant deltakarane.
- **Konfirmantfest:** Forsamlingsstyret hadde ansvar for konfirmantfesten 30. mars i samarbeid med Time sokneråd.
- **Speidar:** Lye Blå Kors speidarar blei starta opp på hausten med 36 spente gutar i alderen 7-9 år, og åtte leiarar. Hovudleier er Trygve Netland. Speidargruppa var eit resultat av ein førespurnad frå Sigurd Idland om det var behov for eit tilbod for aldersgruppa 2.-4. klasse, og eit ønske frå Maria og Trygve Netland om å starte opp speidararbeid på Lye.
- **25-års-jubileum:** Lye forsamlingshus feira 25-årsjubileum i slutten av september, med jubileumsfest for vaksne laurdag 27. september og jubileumsgudsteneste 28. september. Jubileumsfesten baud på god mat og historiske tilbakeblikk, medan jubileumsgudstenesta fokuserte på dei banda som bind forsamlinga saman. Etter gudstenesta var det jubileumstivoli med aktivitetar for store og små.
- **Forsamlingsweekend:** 14.-16. november reiste 64 store og små deltakarar til Tonstadli på forsamlingsweekend. Tema var FELLESSKAP med Gud, i familien, i forsamlinga og med naboen. Familiesamlingar, deleveldar, aktivitetar, god mat og gudsteneste sto på programmet, og helga skapte ei heil spesiell openheit blant deltakarane som mange sette stor pris på.

- **GLS:** 15 deltakarar frå Lye deltok på Global Leadership Summit 24.-25. oktober i Sandnes. Dette er eit leiarseminar i regi av Willow Creek Noreg, og styret er glad for alle som deltok på dette.
- **Julespel:** Julespelet «Jul på Lye» blei framført i aulaen på Lye skule for andre år på rad 1. søndag i advent. Ca 70 frivillige var med som skodespelarar, dansarar, teknikarar, musikar, vaksenleiarar og songarar (Barnegospel og Agape). To førestillingar søndagen hadde til saman rundt 300 tilskodarar, og ein førestilling måndag morgon hadde heile barneskulen som publikum. Manus og regi var ved Sigurd Idland, og Ragnhild Hanssen hadde skrive fire av songane.
- **Me syng jula inn:** Tre dagar før jul vart det arrangert «Me syng jula inn» for heile forsamlinga med mange av dei kjære julesongane. Musikarar og songarar i ulike aldrar bidrog, og over 130 møtte fram til ei flott førjulssamling.

Andre viktige saker i 2014

Viktige saker som styret har arbeidd med er lista opp punktvis:

- **Ny ungdomsarbeidar:** Då Mariann Espeland takka nei til tilbodet om å forlengja sitt engasjement som ungdomsarbeidar, vart Helga Ask tilsett som ny ungdomsarbeidar for skuleåret 2014/15.
- **Daglig leiar/forsamlingsutviklar:** Sigurd Idland gjekk opp til 100 % stilling frå 1. august, og då blei arbeidsinstruksen hans utvida til daglig leiar og forsamlingsutviklar.
- **Planar om å utvida forsamlingshuset:** Forsamlingsstyret og husstyret har drøfta om tida er inne for å tenkja på utviding av forsamlingshuset, hovudsaklig til gudstenestebruk. I første omgang spør husstyret alle eigarorganisasjonane om tomte kan nyttast til utviding, og forsamlingsstyret gjennomfører ei spørjeundersøking om kva folk i forsamlinga tenkjer om utviding.
- **Strategi for å nå dei nye felta på toppen på Lye:** Forsamlingsstyret har drøfta kva ein kan gjera for å nå dei nye som flytter inn i dei nye bustadfelta på toppen av Lye, og vil prøva å iverksetja tiltak for dette i 2015.
- **Leiaroppfølging:** Styremedlemmene i forsamlingsstyret har ansvar for kvar sine tenestegrupper, som dei held kontakt med gjennom året. Dette er viktig for å følgje opp leiarane og ha kontakt med arbeidet på grasrota. Ein har ikkje hatt eigne leiarsamlingar for leiarar dette året.
- **Økonomi:** Økonomien er framleis god, og me fekk eit greitt overskot for rekneskapsåret 2014. Givartenesta nådde ikkje budsjettmåla, men vaks likevel samanlikna med 2013. Forsamlingsstyret er svært takknemlige for alle dei som er med og bidrar med til dels store beløp. Sidan Sigurd gjekk opp i 100% stilling frå august 2014, ser me at lønnsutgiftene vil auka ein del i 2015 samanlikna med 2014. Det kan vera snakk om rundt 200.000 kroner meir enn i fjor. Dette kan bli krevjande for oss, så me håpar at endå fleire kan vera med å bidra i denne tenesta i 2015.

Valkomité

Valkomiteen har sidan førre årsmøte vore Esperanza Idland (leiar, vald i 2012) Solveig H. Hetland (vald i 2013) og Willy Finnbakk (vald i 2014).

Arne Heggheim
Leiar Lye forsamlingsstyre

Knut Jarle Hjørnevik
Kasserar

Eivind Stene
Nestleiar

Sigurd Idland
Sekretær

Olaug Bjelland
Styremedlem

Gunnar Frøyland
Prest